

ХӨДӨӨ АЖ АХУЙН МЕНЕЖМЕНТ, ЭКОСИСТЕМИЙН ТОГТВОРТОЙ БАЙДЛЫГ ХАНГАХ (STREAM) ТӨСӨЛ

ТӨСЛИЙН ҮНДЭСЛЭЛ:

Дэлхийн дулаарлын нөлөө Монгол оронд эрчимтэй ажиглагдаж, агаарын дундаж температур сүүлийн 70 гаруй жилд 2.2°C-аар нэмэгдэн хур тунадасны хэмжээ буурсан байна. Агаар мандлын гаралтай аюултай болон гамшигт үзэгдлийн тоо ихсэж, 1990-2000 онд жилд дунджаар 30 орчим аюултай үзэгдэл ажиглагддаг байсан бол 2001-2016 онд даруй 2 дахин нэмэгджээ. Эдгээр уур амьсгалын өөрчлөлтийн нөлөөллөөс гадна улсын хэмжээнд газрын талаар баримтлах нэгдсэн бодлого, төлөвлөлт хангалттай түвшинд хүрч чадаагүйгээс салбар хоорондын уялдаа алдагдаж тус тусдаа бодлого, үйл ажиллагаагаа хэрэгжүүлдэг болсноор газрын үнэ цэнэ алдагдаж, зохицуулалтгүй ашиглалтаас үүдэлтэй агаар, хөрс, усны бохирдол, хүн амын хэт төвлөрөл, замын түгжрэл, бэлчээрийн доройтол, цөлжилт, газрын маргаан, зөрчил, ядуурал зэрэг байгаль орчин, нийгэм, эдийн засгийн олон асуудлууд үүссэн байна.

ЗОРИЛГО:


Монгол улсад хүнсний тогтолцоо, уур амьсгалын өөрчлөлттэй холбоотой тулгамдсан асуудлуудыг шийдвэрлэхэд шинэлэг, тогтвортой, ландшафтын түвшний менежментийг хэрэгжүүлэх чадавхыг нь нэмэгдүүлэхэд оршино. Төслийн зорилтууд нь:

- Уур амьсгалын өөрчлөлтөд дасан зохицсон хөдөө аж ахуйн менежментийг хөгжүүлэх замаар, хөдөө аж ахуйн үйлдвэрлэлийн бүтээмж, тогтвортой байдлыг сайжруулж, нэмүү өртөг шингээхэд дэмжлэг үзүүлнэ.
- Зорилтот сумдын ойн нөөцийн тогтвортой менежмент, биологийн олон янз байдлыг хэвээр хадгалах чадавхыг сайжруулахад дэмжлэг үзүүлнэ.



ЗОРИЛТОТ ГАЗАР НУТАГ

Хамтран санхүүжүүлэгч	Европын Холбоо: Дэлхийн уур амьсгалын өөрчлөлтийг сааруулахын төлөөх түншлэл/Хөдөө аж ахуйн судалгаа хийх замаар ухаалаг инновацыг хөгжүүлэх хүрээнд (GCCA+/DeSIRA): 4,150,000 евро ХБНГУ-ын Эдийн засгийн хамтын ажиллагаа, хөгжлийн яам (BMZ)-ны санхүүжилт: 400,000 евро
Хамтран хэрэгжүүлэгч	Германы олон улсын хамтын ажиллагааны нийгэмлэг (GIZ) НҮБ-ын Хүнс, хөдөө аж ахуйн байгууллага (FAO)
Зорилтот газар нутаг	Сэлэнгэ аймгийн Ерөө, Мандал, Жавхлант сум Хэнтий аймгийн Биндэр, Баян-Адарга, Өмнөдэлгэр сум
Хэрэгжих хугацаа	2021 – 2024




ТОГТВОРТОЙ
ХӨГЖЛИЙН
ЗОРИЛГО

Бид тогтвортой хөгжлийн дараах зорилгуудад хувь нэмэр оруулж байна.



ТӨСЛИЙН ХЭРЭГЖИЛТИЙН ЯВЦ:



Газар зохион байгуулалт, геодези, зураг зүйн газартай хамтран газрын доройтол, биологийн олон янз байдал, уур амьсгалын өөрчлөлтийг харгалзан олон улсад танигдсан LADA-WOCAT


аргачлал дээр суурилсан Сэлэнгэ аймгийн газар зохион байгуулалтын ерөнхий төлөвлөгөө, Сэлэнгэ аймгийн Мандал, Ерөө, Жавхлант сум, Хэнтий аймгийн Биндэр сумдын нутаг дэвсгэрийн хөгжлийн төлөвлөгөө боловсруулах ажлыг эхлүүлээд байна.

Агроэкологийн өртгийн сүлжээнүүдийг хөгжүүлсэн байх ажлын хүрээнд үхэр болон хонины махны нэмүү өртгийн сүлжээг хөгжүүлэх ажлыг эхлүүлэв. Хэнтий аймгийн гурван суманд түргэн өсөлттэй улаан Ангус үүдрээр нийт 452 үхэрт, Ерөө суманд Алтай үүдрээр нийт 558 хонины хээлтүүлгийн ажлыг тус тус гүйцэтгэв.

ХААИС-ын Агроэкологийн сургуультай хамтран хоёр мэргэжлийн ангид заавал судлах хичээлээр, бусад 11 мэргэжлийн ангид сонгон суралцах хичээлээр "Агроэкологи" хичээлийг батлуулж 2022-2023 оны хичээлийн жилээс хөтөлбөрт оруулан зааж эхлээд байна.

Сэлэнгэ аймгийн Жавхлант суманд элсний нүүдлийг зогсоож, хөрсний элэгдэл, газрын доройтлыг бууруулах 4.34 га газрыг хамарсан агро-ойн аж ахуй байгуулах ажлыг эхлүүллээ. Мөн тус суманд 60 га хүнсний ногооны тариалангийн талбайг хамгаалах хамгаалалтын зурвас байгуулах ажлыг эхлүүлж одоогоор 6,000 мод тарьсан байна.

Төслийн хүрээнд газар зүйн заалттай шинэ бүтээгдэхүүн хөгжүүлэлт, одоо байгаа газар зүйн заалттай бүтээгдэхүүний бүртгэлийн системийг сайжруулахад дэмжлэг үзүүлэхээр Оюуны өмчийн газар болон бусад холбогдох байгууллагуудтай хамтран ажиллаж байна.



Ойн тогтвортой менежментийн (ОТМ) сайн туршлагыг хэрэгжүүлэх 80 гаруй туршилт судалгааны талбайг БНЧУ-ын Менделийн их сургууль тэргүүтэй Их сургуулиудын консорциумтай хамтран төслийн зорилтот зургаан сумдад байгуулсан бөгөөд эдгээр талбайд ойн тооллого зохион байгуулж, хөрс, агаарын мониторингийн төхөөрөмж байршуулав.

Сэлэнгэ аймгийн Жавхлант суманд сумын ногоон байгууламжийг нэмэгдүүлэх, иргэдэд мод тарих сургалтыг зохион байгуулах, тариалангийн болон ойн хамгаалалтын зурваст ашиглах тарьц, суулгацыг нийлүүлэх зорилготойгоор Мод үржүүлгийн газар байгуулав.

Сум дундын ойн анги, ойн нөхөрлөл, ойн мэргэжлийн байгууллагын нийт 300 оролцогчдод ОТМ-ийн чиглэлээр чадавхжуулах сургалтуудыг долоон сэдвийн хүрээнд зохион байгуулав.

Ойн нэмүү өртөг шингэсэн бүтээгдэхүүний судалгаа болон ОТМ-ийн хууль эрх зүй, бодлогын дүн шинжилгээ хийж, зөвлөмжүүдийг боловсруулав.

"Тэрбум мод" үндэсний хөтөлбөрийн хүрээнд сургагч багш бэлтгэх сургалт зохион байгуулж, сургалтын гарын авлага, тараах материалыг бэлтгэхэд хувь нэмэр оруулав.

Уур амьсгалын өөрчлөлтийг сааруулах, дасан зохицох арга хэмжээний ач холбогдлыг таниулах зорилгоор хүүхэд, залуучуудад зориулсан танин мэдэхүй, нөлөөллийн үйл ажиллагааг зохион байгуулав.

Зарим нэгэн ойн аж ахуйн арга хэмжээг түгээн дэлгэрүүлэх зорилгоор зорилтот сумдад 160га талбайд ойн арчилгааны ажлыг санхүүжүүлж байна.

ХОЛБОО БАРИХ:

Монгол улс дахь Европын Холбооны төлөөлөгчийн газар

☎ +976 75115000

✉ delegation-mongolia@eeas.europa.eu

НҮБ-ын Хүнс, хөдөө аж ахуйн байгууллага

☎ +976 11 310248

✉ amgalan.ariunbold@fao.org

Германы олон улсын хамтын ажиллагааны нийгэмлэг (GIZ)

☎ +976 11 312282

✉ michael.trockenbrodt@giz.de

Цахим хувилбар:

